

古
詩
賞
析

古詩賞析卷二十一目錄

陳詩

後主

入隋侍宴應詔

三婦艷

十三首
選一

陰鏗

江津送劉光祿不及

和傅郎歲暮還湘州

傅縡

雜曲

徐陵

別毛永嘉

出自薊北門行

周弘正

還草堂尋處士弟

周弘讓

畱贈山中處士

江總

南還尋草市宅

於長安歸還揚州九

月九日行薇山亭賦韻

哭魯廣達

空閨怨
二首
選一

韋鼎

長安聽百舌

北魏詩

溫子昇

擣衣

王容

大隄女

胡武靈后

言集 卷三
楊白花

無名氏

咸陽王歌

李波小妹歌

北齊詩

鄭公超

送庾羽騎抱

蕭慤

和崔侍中從駕經山寺

秋思

上之回

顏之推

古意

二首
選一

從周入齊夜度砥柱

馮淑妃

感琵琶絃

無名氏

敕勒歌

東藁謠

北周詩

庾信

擬詠懷

二十七
首選一

詠畫屏風詩

二十五
首選一

寄徐陵

和侃法師

三首選一

和庾四別

商調曲

四首選一

對酒

怨歌行

王褒

渡河北

古詩賞析卷二十一

吳縣張玉穀蔭嘉選解

蔣曾煊德融

門人

蔣曾熿德明

校字

甥 嚴廷燦暲初

男 大鎔禹金

陳詩

後主

姓陳氏名叔寶字元秀小字黃奴長興下

若里人宣帝長子也大建元年立爲皇太子十四年嗣位至德四年禎明三年荒於酒色不恤政事國爲隋文帝所滅仁壽四年終

洛陽

入隋侍宴應詔

南史後主從隋文帝東巡登芒山賦詩

日○月○光○天○德○山○河○壯○帝○居○太○平○無○以○報○願○上○萬○年○

書

萬年一作東封

上二寫出太平。下二表明感戴而深致頌禱詩極得體。但曾居帝位忽作俘臣吾未知其下筆時有何與會也。

三婦艷

十一首選一。○相和歌辭清調曲

大婦酌金杯中婦照粧臺小婦偏妖冶下砌折新梅
衆中何假問人今最後來

題曰三婦艷詩。獨側重小婦。見人皆愛少艾也。前二先寫大婦中婦之艷。作挑筆。三四點出小婦妖冶折梅其艷尤至。五六頂上以衆中易識。顯出後來人寵自宜專。無窮寄慨。

陰鏗字子堅。武威姑臧人。善五言詩。爲時所重。釋褐梁湘東王法曹行參軍。天嘉中爲始

興王中錄事參軍。累遷晉陵太守。員外散騎常侍。

江津送劉光祿不及

依然臨送渚。長望倚河津。鼓聲隨聽絕。帆勢與雲鄰。鼓聲打鼓。泊處空餘鳥。離亭已散人。林寒正下葉。鈞晚欲收綸。如何相背遠。江漢與城闔。

前二敘清追送不及。中四寫可望不可卽之景。兩就彼處說。兩就此處說。後四則就晚寒景物。

收出子去
我歸離恨。

和傅郎歲暮還湘州

蒼。茫。歲。欲。暮。辛。苦。客。方。行。大。江。靜。猶。浪。扁。舟。獨。且。
征。棠。枯。綠。葉。盡。蘆。凍。白。花。輕。戍。人。寒。不。望。沙。禽。迥。
未。驚。湘。波。各。深。淺。空。軫。念。歸。情。

前四敘明歲晚客行遞入江行無盡十字有力
中四遙寫水行所見之景俱切歲暮後一言同
此湘波君行我滯
拍到和詩之意

傅緯

字宜事北地靈州人太清末爲王琳記室

琳敗還都文帝召爲撰史學士太子庶子
後主卽位遷中書通事舍人掌詔詰負才使
氣陵侮人物爲施文慶等所譖收下獄緯憤

悲上書極
諫賜死。

雜曲
雜曲
歌辭

新人新寵住蘭堂。翠帳金屏玳瑁牀。牀一作梁叢星不

似珠簾色。度月還如粉壁光。從來著名推趙子。復

有丹脣發皓齒。趙子當指趙飛燕一嬌一態本難逢。如畫

如花定相似。樓臺宛轉曲皆通。絃管逶迤徹下風。

此殿笑語長相共。傍省歡娛不復同。長相一作恒長傍省猶他

宮也。訝許人情太厚薄。分恩賦念能斟酌。多作繡被

爲雙鴛。長弄綺琴。憎別鶴。賦念猶繫念言君情何太厚薄分恩賦念須斟酌

酌行之。何得寵者真若雙鴛。致使失歡者。遂如別鶴。人今投寵。要須堅會。使歲寒恒度。前共取辰星。作心抱無轉。無移千萬年。投寵投其意。而得寵也。會使歲寒恒度。前歷歲寒而常如前度也。辰星作心抱。喻兩心相明也。此爲宮怨詩。前四先點新人得寵。居處物用之華。從來四句。借趙作襯。鋪敘其色態之美。形容處。句法俱極敏妙。樓臺四句。方接前居處。說到絃管遠聞。再以笑語相共。承寵者之歡娛。不同失寵者之寂寞。落到自己。訝許四句。正點君恩厚薄太分。不能斟酌。彼處真如雙鴛。此處遂如別鶴。逗明怨意。後四乃由怨生妬。利其寵亦不久也。却反說投寵須堅。苟真兩心永久不移。豈不可羨。只恐未必意絕。不說破。使人言外得之。用筆最深婉有味。

徐陵

字孝穆。東海郢人。年數歲。沙門寶誌見而摩其頂曰。天上石麒麟也。初爲晉安王參

軍累官散騎常侍仕陳歷五兵吏部尚書封
建昌縣侯大建中遷尚書左僕射國子祭酒
後主卽位加
左光祿大夫

別毛永嘉

文苑英華作
別毛尚書

願子厲風規歸來振羽儀嗟余今老病此別空長

離白馬君來哭黃泉我詎知後漢書范式字巨卿

友元伯卒式夢元伯告吾死以某日葬已發徒勞

樞不前見巨卿素車白馬號哭而來樞乃前

脫寶劍空掛隴頭枝

季札掛劍事詳見卷八
陳思王植贈丁儀詩注

此別毛先歸賦贈之作前四望其歸振羽儀而
恐已先歸之老病不能久待點出別字已是黯
然後四竟就彼歸已死透筆實摹收住覺一切
生離苦語皆屬膚浮矣孝穆詩多華縟少真意

若此者
僅見也。

出自薊北門行

雜曲
歌辭

薊北聊長望。黃昏心獨愁。燕山對古刹。代郡隱城樓。
樓。屢戰橋恒斷。長冰塹不流。天雲如地陣。漢月帶胡秋。
漬土泥函谷。按繩縛涼州。援同揆音那。兩手相切摩也。平生燕領相。會自得封侯。漢書相者謂班超燕領虎頭飛而食肉萬里封侯相也。

此借古題自吐壯懷。與鮑參軍同意。前二點題。長望獨愁。就黃昏說。總領得勢。中六則就望中景。寫胸中愁。既切薊北。又切黃昏。天雲十字。精警。後四轉出濟亂建功本旨。自許作結。

周弘正

字思行汝南安城人仕梁爲國子博士入陳遷侍中國子祭酒宣帝時爲尚書

左僕射善玄理爲當世所宗然醜而吃嘗自稱有才無相

還草堂尋處士弟

四時易荏苒百齡倏將半故老多零落山僧盡凋

散宿樹倒爲查舊水侵成岸

查水中浮木也

幽尋屬令弟

依然歸舊館感物自多傷況乃春鶯亂

前四以中年故舊凋零爲弟在題前反跌中四正敘還堂而堂已非昔遞入尋弟談其舊館依

然後二總收我句增色

周弘讓

弘正之弟隱居句曲茅山頻徵不出晚爲侯景中書侍郎時論醜之天嘉中以

白衣領太常卿光祿大夫

畱贈山中處士

行行訪名嶽處處必流連。遂至一巖裏灌木上參天。忽見茅茨屋曖曖有人煙。一士開門出一士呼我前。相看不道姓焉知隱與仙。

前四從入山說起。後六正敘得遇隱士之事。詩境似平直而一種清真之氣自然流露。梁陳間逸品也。

江總

字總持。濟陽考城人。梁世官太子中舍人。

天嘉中徵爲中書侍郎。遷太子詹事。後主卽位。歷任尚書令。不持政事。日隨後主遊宴後庭。多爲艷詩。與陳暄孔範等十餘人號爲

狎客綱紀曰。頌君臣昏亂。以至於滅。至入隋後。拜上開府。卒於江都。

南還尋草市宅

舊注江揔宅在金陵金陵故事鼎族多夾青溪江宅尤占

勝地穀按詩首二句此宅當指考城舊居非金陵寓居也

紅顏辭鞶絡白首入轅轅

鞶絡二水名轅轅地名皆在今河南省東都賦

注轅轅十二曲道將去復還故曰轅轅

乘春行故里徐步采芳蓀逕

毀悲求仲林殘憶巨源

三輔決錄蔣詡舍中三逕惟羊仲求仲從之遊林竹

林也晉書山濤字巨源與嵇康呂安善後遇阮藉便爲竹林之交

見桐猶識井看

柳尚知門

魏明帝詩雙梧生空井陶潛五柳先生傳宅邊有五柳樹

花落空難

遍鶯啼靜易誼無人訪語默何處敘寒溫百年獨

如此傷心豈復論。

此入隋後南還舊宅之詩。題眼在一尋字。前四以辭鄉尚少。剔出還家已老。引起尋宅。乘春順插時序。采芳蓀。點草市也。中四由遠而近。乃寫宅外之景。尋字神理透露。後六敘到宅事。卽頂柯柳之花落鶯啼。收入無人晤語。獨自招尋之感。百年二字。回應起處傷心二字。通首總收。

於長安歸還揚州九月九日行薇山亭賦韻

一作長安九日詩
有小異注詩下

心逐南雲逝。形隨北雁來。故鄉籬下菊。今日幾花。

開。逝作去。形作身。鄉作園。幾花作爲誰。

上二先敘清題首七字。下二則以遙念菊開。暗醒重九客行。詩境超甚。

哭魯廣達

南史廣達陳之良將也至德二年

爲侍中中領軍賀若弼進軍鍾山廣達力戰及韓擒虎勝破宮城廣達被執入隋以憤慨死江總撫棺慟哭題其棺云

黃泉雖抱恨。白日自留名。悲君感義死。不作負恩生。

上二就魯論魯下二致已之悲不嫌自汙語極沉痛

空閨怨

二首選一○雜曲歌辭亦作閨怨篇

寂寂青樓大道邊。紛紛白雪綺窗前。池上鴛鴦不
獨自。帳中蘇合還空然。屏風有意障明月。燈火無

情照獨眠。遼西水凍春應少。薊北鴻來路幾千。願君關山及早度。念妾桃李片時妍。

前六點地點時。先就閨人。摹寫其冬夜空房獨宿。觸物傷心。苦景中二。則念彼邊應亦苦寒。音信何偏稀少。後二。以早歸慰我。就彼邊收合已邊。片時妍。說得危竦。友人卜近村云。此種七言。專工對仗。已開唐人排律之體。良然。

韋鼎

杜陵人。博涉經史。明陰陽相術。仕梁爲中書侍郎。陳受禪。拜黃門郎。遷太府卿。入隋。

歷光州

刺史。

長安聽百舌

萬里風煙異。一鳥忽相驚。那能對遠客。還作故鄉。

聲。

上二。正寫題面。下二。不說已之不忍聽此聲。反說彼之那能作此聲。對面撲題。最耐咀味。

北魏詩

溫子昇

字鵬舉。太原人。家於濟南。始爲廣陽王深賤客。在馬坊教諸奴子書。熙平初。射

策高第。補御史。及深爲東北道行臺。請爲郎中。軍國文翰皆出其手。孝莊卽位。徵拜南主客郎中。累遷散騎常侍。齊文襄引爲諮議參軍。及荀濟等作亂。文襄疑子昇知其謀。乃餓諸晉陽獄。咽禱而死。

擣衣

擬宋謝惠連雜曲歌辭。○說見謝作。

長安城中秋夜長。佳人錦石擣流黃。香杵紋砧知

近遠傳聲遞響何淒涼七夕長河爛中秋明月光

蠓蠓塞邊逢候雁鴛鴦樓上望天狼蠓蠓蟲名蠓塞在蘭州

地晉書慕容皝載紀於是率騎三萬出蠓蠓塞長驅至於薊北鴛鴦樓則取合歡之意與上蠓蠓塞

屬對不必實有所指天狼星名此亦借隱郎字與候雁屬對也

前四點明長安秋夜佳人念遠隨處擣衣是為題面後四遙頂秋夜言已過七夕忽又中秋彼

處見雁南飛歸心必動我樓頭望見天狼能不感觸而望郎之返是為擣衣時心事辭鍊意含

結得妙甚

王容

大堤女

清商曲辭
西曲歌

寶髻耀明璫。香羅鳴玉佩。大堤諸女兒。一一皆春態。入花花不見。穿柳柳陰碎。東風拂面來。由來亦相愛。

前二。先寫其服飾之華。中四。點清題目。申寫其態度之麗。只就花柳掩映出來。絕不費手。而大堤二字。已蘊染有情。後二。以亦當相愛。硬派東風。而人之無不愛之。反不說破。趣甚。

胡武靈后安定臨淄人。宣帝初入掖庭。爲承華世婦。生明帝。及嗣位。尊爲皇太后。多

淫亂。後朱爾榮稱兵。犯關。執而沉之河。

楊白花雜曲歌辭。○梁書。楊華。武都仇池人。少有勇力。容貌雄偉。魏胡太后逼而

通之。華懼及禍。乃率其部曲降梁。胡太后追思之。不能已。爲作楊白花歌。使宮人連

臂踏足歌之聲甚悽惋南史楊華本名
白花奔梁後名華魏名將大眼之子

陽春二三月楊柳齊作花春風一夜入闌闔楊花

飄蕩落南家梁朝在南含情出戶脚無力拾得楊

花淚沾臆春去秋來雙燕子願銜楊花入窠裏

通首隱切姓名以花爲比前四言楊正作花忽然從風飄落是追述前事後四則敘現在傷花之去而願花之返也用筆雙關饒有古趣

無名氏

咸陽王歌

雜歌謠辭○北史後魏咸陽王禧謀逆伏誅後宮人爲之歌其歌流

於江表北人之在南者聞絃管奏之莫不灑泣

可憐咸陽王。奈何作事誤。金牀玉几不能眠。夜踏

霜與露。

一作夜起踏霜露

洛水湛湛。彌岸長行人。那得渡。

前二喝起。中二憐其不知足。用賦。後二洛水難渡。則比其不量力也。情深節婉。自足動人。

李波小妹歌

雜歌謠辭。魏書廣平人李波宗族強盛。殘掠不已。公私咸患。

百姓爲之歌云。刺史李安世。設方畧。誘波等殺之。州內肅然。

李波小妹字雍容。褰裙逐馬如卷蓬。左射右射必

叠雙。婦女尚如此。男兒那可逢。

寫李波之勇悍。可畏不盡。只就其小妹騎射之精。摹寫之。然後一筆跌落。醒豁異常。於此可悟實虛虛實之妙。標其妹字。亦恰以雍容翻出善武。總非浪筆。

北齊詩

鄭公超

後主時爲奉朝請待詔文林館與祖珽楊訓同撰脩文御覽

送庾羽騎抱

庾抱仕隋爲元德太子學士入唐爲記室遷東宮學士徙爲趙

王友

舊宅青山遠歸路白雲深遲暮難爲別搖落更傷心
空城落日影迴地浮雲陰送君自有淚不假聽

猿吟

前二先敘庾之去路三四接出別離之傷年齒遲暮歲序搖落層遞剔醒五六頂搖落寫別時之景後二蒙遲暮收足難別傷心淚不假猿妙於翻用白雲浮雲複用却是微疵

蕭慤

字仁祖。蘭陵人。梁宗室上黃侯暕之子。天保中入齊。武定中爲太子洗馬。後主時除

齊州錄事參

軍。後入隋。

和崔侍中從駕經山寺

鈎陳夜警徼。河漢曉參橫。

漢書音義。鈎陳。紫宮外營星也。宮衛之象。亦如

之。占以明則游騎騰文馬。前驅轉翠旌。野禽喧曙

吉。參亦星名。色山樹動秋聲。雲表金輪見。巖端畫拱明。塔疑從

地湧。蓋似積香成。泉高下溜急。松古上枝平。儀台

多壯思。麗藻蔚緣情。自嗤非照乘。何以繼連城。

史記

魏王與齊威王會田於郊。魏王曰。寡人國小。尚有徑寸之珠。照車前後各十二乘。奈何以萬乘國而

無寶又趙惠文王得楚和氏璧秦昭王請以十五城易璧

前六先敘法駕啓行途中事而首二賦啓行之早三四寫儀衛之盛已含從駕五六賦途中之景中六正敘山寺之景而四句著寺說分遠近兩層兩句著山說鍊句耐味後四則美崔之原唱而以和詩不若作收

秋思

清波收潦日華林鳴籟初芙蓉露下落楊柳月中疎燕幃綳綺被趙帶流黃裾

燕幃趙帶燕姬趙女之幃與帶也

相

思阻音息結夢感離居

此秋夜思家之詩前四先寫秋夜之景爲思字引端疎句清麗五六就彼邊懸擬是思之正面

後二點清思字。而以絕音結夢收之。

上之回

擬鼓吹曲辭漢饒歌。○舊解上指武帝之往也。回。回中地名在安定高平。

有險阻武帝紀上

郊雍通回中道

發軔城西時回輿事北遊。

發軔車始動也。

山寒石道凍葉

下故宮秋朔路傳清警邊風卷畫旒歲餘巡省畢。

擁仗返皇州。

此詩第賦上之北巡與漢辭明點之同意在臣伏遠夷不同首二以有事西時爲題前陪筆折到北遊爲下總領三四泛寫途景補出時令五六切定宸遊噴醒北字後二點清巡省是所以北遊之故勒到事畢歸朝應起作結

顏之推

字介瑯琊臨沂人。事梁元帝。為散騎侍郎。江陵陷。奔齊。累官黃門侍郎。平原太

守。後入周。為御史上士。隋開皇中。太子召為文學。以疾終。

古意

二首
選一

十五好詩書。二十彈冠仕。

漢書。王陽在位。貢禹彈冠。楚王賜顏

色。出入章華裏。

左傳。楚王成章華之宮。

作賦凌屈原。讀書誇

左史。

左傳。左史倚相趨過。王曰。是良史也。是能讀三墳五典八索九邱。

數從明月

讌。或侍朝雲祀。

謝莊月賦。君王乃厭晨權。樂宵讌。去燭房。即月殿。宋玉高唐賦。王遊

高唐。怠而晝寢。夢見一婦人曰。妾巫山之女也。朝為行雲。暮為行雨。朝朝暮暮。陽臺之下。旦朝視之。

如言。故為立號。曰朝雲。登山摘紫芝。涉江采綠芷。歌舞未終

曲風塵暗天起吳師破九龍秦兵割千里淮南子

楚破九龍之鐘簋割千里謂秦割楚國之地千里也狐兔穴宗廟霜露沾朝

市壁入邯鄲宮劍去襄城水壁楚和氏璧邯鄲趙地言楚不能守壁有

時入於趙也雷次守豫章記孔章掘得二劍雷其

一匣而進之張華後張華遇害此劍飛入襄城

水中襄城楚地言楚未獲殉陵墓獨生良足恥憫

地之劍不能長存也

憫思舊都惻惻懷君子君子指梁主白髮窺明鏡憂傷

沒餘齒

此傷梁室滅亡自愧不能殉難之詩而題曰古意且托於楚王更用吳師秦兵等字作影懼顯言之觸禍也前四直從幼學壯行獲逢知遇說起楚王句是感舊之根作賦六句仍帶文學正

寫侍從之樂歌舞八句。蒙上轉落梁室兵連國滅。禾黍之感。後六自愧獨生。不勝懷舊。而以憂傷終老結住。白髮餘齒。隱與十五二句呼應。篇中對偶雖多。而不涉纖巧。允稱傑構。○顏歷仕梁齊周隋四朝。而此指為梁作者。一則元帝都江陵為楚地。二則二十始仕時在梁也。

從周入齊夜度砥柱

梁詞人麗句。作惠慕道士詩。漢書地理志。砥柱

在陝縣東北山在河中形若柱也。

俠客重艱辛。夜出小平津。

小平津今在鞏縣西北。

馬色迷關。

吏雞鳴起。戍人露鮮華。劍彩月照寶刀新。問我將

何去。北海就孫賓。

後漢書趙岐傳。中常侍唐衡兄唐玳。盡殺趙岐家屬。岐逃難江

湖間。匿名賣餅。時孫嵩察岐非常人。曰。我北海孫賓石闔門百口。勢能相濟。遂俱歸藏岐複壁中。數

年諸唐後滅岐因赦得免

詩因避難而作首二提清避難破題總領三四頂次句寫乘夜偷度之景如畫後四月露仍帶夜來而佩劍刀以就孫嵩則與起句應但孫賓押韻未免割裂

馮淑妃

名小憐齊後主大穆后從婢也穆后愛衰以五月五日進之名曰續命慧黠工

歌舞後主惑之立爲左皇后周師取平陽後主以淑妃奔洪洞成復奔青州後主至長安遇害以淑妃賜代王達甚嬖之

感琵琶絃

北史淑妃侍代王達彈琵琶因絃斷作歌

雖蒙今日寵猶憶昔時憐欲知心斷絕應看膝上絃

直白本心。借絃爲証。寫得題中感字神理出。便是可傳。

無名氏

敕勒歌

雜曲歌辭。○樂府廣題曰：北齊神武攻周王壁，士卒死者十四五。神武恚

憤疾發，周王下令曰：高歡鼠子，親犯王壁，劍弩一發，元凶立斃。神武聞之，勉坐以安士衆。悉引諸貴使解律金唱敕勒，神武自和之。碧溪漫志云：金不知書，同於劉項能發自然之妙。韓昌黎琴操雖古，涉於摹擬，未若金出性情爾。按此則卽爲金作矣。然其本文特謂神武使金唱自和之耳，恐非金所作也。

敕勒川陰山下

唐書回紇傳：回紇其先匈奴也。元魏時亦號高車部。或曰：敕勒訛爲

鐵勒。

天似穹廬，籠蓋四野。天蒼蒼，野茫茫，風吹草低。

見牛羊

言風吹草低始見牛羊則水草之盛可知

此賦敕勒川蓄牧之盛北音激楚足振卑靡前四就敕勒川寫其空闊後三複上天野詠歎收出畜牧之盛鍊句耐思

東藁謠

雜歌謠辭○北史齊本紀東魏末文宣末受禪時有童謠云云藁然兩頭

於文爲高河邊殺獼爲水邊羊指帝名也於是徐之才勸帝受禪

一束藁兩頭然河邊殺獼飛上天

只是高洋受禪隱語却極巧切古奧

北周詩

庾信

字子山南陽新野人父肩吾爲梁太子中庶子徐摛爲左衛率摛子陵及信並爲鈔

撰學士父子在東宮文並綺艷故世號徐庾
體以度支郎中聘東魏文章辭令盛爲鄴下
所稱元帝時復以御史中丞聘西魏屬大軍
南討遂留長安江陵平累遷司宗中大夫明
帝武帝雅好文學信特蒙恩禮至於趙滕諸
王周旋款至若布衣交焉隋開皇元年卒

擬詠懷

二十七
首選一

疇昔國士遇生平知己恩直言珠可吐寧知炭可

吞

莊子夫睡大者成珠國策晉畢陽之孫豫讓智
伯寵之及三晉分智氏豫讓逃道山中曰士爲

知己者死女爲悅已者容吾其報智伯之讎矣又
吞炭爲啞變其音又智伯以國士遇臣臣故國

士報

一顧重尺璧千金輕一言

史記藺相如持璧
睨柱秦王恐破璧

乃謝相如漢書季布傳楚人諺曰
得黃金百金不如得季布一諾

悲傷劉孺子悽

愴史皇孫

漢書王莽傳選立孫中最幼廣戚侯子嬰年二歲託以卜相最古以嗣孝平皇

帝之後後篡位。敕乳母不得與語。長在四壁中。至於長大。不能名六畜。宣帝紀。孝宣皇帝。武帝曾孫。

戾太子孫也。太子納史良娣。生史皇孫。皇孫納王夫人。生宣帝。號曾皇孫。生數月。遭巫蠱事。太子良

娣。皇孫王夫。無因同武騎。歸守霸陵園。
漢書司馬相如事。孝

景。為武騎常侍。武帝拜為孝文園令。

此感不能報梁也。前四。從曾受梁恩。不虞國變。領起。一顧二句。承直言句。實寫知遇之難。悲傷

二句。借引古事。深致國亡帝室子孫被戮之痛。後二。以自恨不能報效作收。開府詠懷諸詩。傾

吐悲憤。佳句頗多。然皆覺平順。少古意。僅錄此章。莫嫌其畧。

詠畫屏風詩

二十五首。選一。

昨夜鳥聲春驚鳴動四鄰今朝梅樹下定有詠花

人。流星浮酒泛。栗瑱繞杯脣。

流星言其星眸之流動也。栗瑱懸珠如栗

爲耳飾也。杯脣猶杯口。瑱繞杯脣狀其醉態。

何勞一片雨喚作陽臺神。

陽臺事見卷中顏之推詩注。

此應是題梅樹下飲酒美人圖也。前四竟以鳥鳴真景落到畫中梅下之人。奇極。後四接寫飲酒而贊其美猶神女。翻用宋玉賦語亦新。

寄徐陵

故人儻思我。及此平生時。莫待山陽路。空聞吹笛

悲。

山陽路見顏延年五君詠注。

詩訂徐之來過也。情至之語。不用吉祥。與孝穆別毛永嘉作同一悲婉。

和侃法師

一作侃法師別詩三首選一

秦。關。望。楚。路。灞。岸。想。江。潭。幾。人。應。落。淚。看。君。馬。向。南。

此北朝送師還南之作。有恨不得同還之意。上二先就自己望鄉逆起。下二順落彼還。妙在幾人落淚。拓空一筆。更覺靈動。

和庾四別

離。關。一。長。望。別。恨。幾。重。愁。無。妨。對。春。日。懷。抱。只。言。秋。

此亦送別詩。上二點清遠別之恨。下二。卽就別時在春。翻出新意。巧甚。

商調曲

四首選一。○燕射歌辭五聲調曲。○五聲調曲共二十四首。其原序曰。元

正饗會大禮。賓至食舉。稱觴薦玉。六律既從。八風斯暢。以歌大業。以舞成功。

君以宮唱。寬大而謨。明臣以商應。聞義則可行。有

熊爲政。訪道於容成。

黃帝有熊氏命容成作蓋天

成湯受命。委

任於阿衡。忠其敬事。有罪不逃刑。誦其箴諫。言之

無隱情。有剛有斷。四方可以寧。既頌既雅。天下乃

昇平。專精一致。金石爲之開動。其兩心妻子恩情。

乖。苟利社稷。無有不盡懷。昊天降祐。元首惟康哉。

五聲中商聲屬臣。故通首皆切臣說。然欲臣之盡忠。先在君之信任。又此首章之立意也。前四以君謨明。剔起臣行義。點明商字。有熊四句。接出君之必當信任大臣。援古爲証。忠其四句。正敘臣之盡忠。兩說事有決斷。兩說言無隱諱。有剛四句。以剛斷頂上。而圓其弊於雅頌和平。推出臣能盡忠。利澤及下之效。專精四句。又將凡事專一。則精。攜疑則變。爲君臣宜合。空中一拓。後四方遙接。有剛四句。歸到臣苟盡懷。福歸元首。作結。首尾呼應。○開府五調曲。各爲一體。宮調五言。徵調七言。羽調六言。惟此一四言。一五言。九字用韻。角調八言。十六字用韻。是其創體。卽徵調七言。亦多上三下四句法。與詩句不同。因俱未選。故備誌之。

對酒

相和歌辭
相和曲

春水望桃花。春洲藉芳杜。

韓詩外傳三月桃花水。杜杜蘅香草也。

琴

古詩賞析

卷三

北周

太

從綠珠借酒就文君取。綠珠見卷十三。卓文君見卷三。牽馬向渭

橋。日曝山頭晡。山簡接羅倒。王戎如意舞。晉書山簡鎮襄

陽惟酒是耽。時兒童歌曰。時時能騎馬。倒著白接羅云云。語林。王戎以如意指林公曰。何柱。汝憶搖

櫓時否。何柱。林公小字也。箏鳴金谷園。笛韻平陽塢。金谷。晉石崇園名。馬

融長笛賦云。融性好音律。能鼓琴吹笛。而爲督郵無畱事。獨臥郿縣平陽塢中。有洛客舍逆旅吹笛

爲氣出精。人生一百年。歡笑惟三五。何處覓錢刀。列相和。

求爲洛陽賈。史記貨殖傳。洛陽東賈齊魯南賈梁楚。漢書。桑弘羊。洛陽賈人也。

此擬及時飲酒行樂之詩。首二。從春景說起。行樂之時。行樂之場也。三四。以琴陪酒。是爲點題。

牽馬六句。雜陳馳騁納結音樂之事。行樂正面。日曝句。似草率湊韻。後四。落到行樂當趁少年。

而以鄙薄財奴收住。
筆意欽崙。集中僅見。

怨歌行

擬漢相和歌
辭楚調曲

家住金陵縣前。嫁得長安少年。回頭望鄉。淚落不知何處。天邊胡塵。幾日應盡。漢月何時更圓。爲君能歌此曲。不覺心隨斷絃。

此自道其來南。留北之悲。特托之遠嫁者耳。前四點清。自南來北。不得還鄉之痛。五六頂上申明其故。仍不作絕望語。後二方以聽歌心斷作收。六言肇自漢魏。未及選登。存此以備一體。

王褒

字子淵。瑯琊臨沂人。善草隸。名與姑夫蕭子雲並重。於時仕梁。位尚書右僕射。荊州

平入周。建德中。歷太子少

保少司空。出爲宜州刺史。

渡河北

秋風吹木葉。還似洞庭波。常山臨代郡。亭障繞黃河。
漢書地里志常山高帝置張晏曰恒山在西避文帝諱改常山又代郡秦置故代國後漢王霸傳詔霸與杜茂治飛狐道堆石布土築起亭障自代至平城三百餘里心悲異方樂。
腸斷隴頭歌。薄暮臨征馬。失道北山阿。

前二就渡河時風景有似故鄉突然感慨起調甚高三四接寫河北形勢後四則申明渡河後羈旅之愁行役之感也

女門人王瑗佩霞複校

古詩賞析卷二十一

古詩賞析卷二十二目錄

隋詩

煬帝

飲馬長城窟示從征羣臣

春江花月夜

二首

白馬篇

楊素

山齋獨坐贈薛內史

二首

贈薛內史

贈薛播州

十四首
選九

盧思道

聽鳴蟬篇

薛道衡

敬酬楊僕射山齋獨坐

人日思歸

昔昔鹽

虞世基

入關

孫萬壽

和周記室遊舊京

尹式

別宋常侍

孔德紹

夜宿荒村

孔紹安

落葉

別徐永元秀才

陳子良

送別

七夕看新婦隔巷停

車

明餘慶

從軍行

呂讓

和入京

侯夫人

自傷

大義公主

書屏風詩

無名氏

送別詩

無名氏

歎疆場

雞鳴歌

古詩賞析卷二十二

吳縣張玉穀蔭嘉選解

蔣曾熿德融

門人

蔣曾熿德明

校字

嚴廷燦暘初

男 大鎔禹金

隋詩

煬帝

姓楊氏名廣一名英小字阿廢文帝第二

子開皇元年封晉王後以陰謀廢奪太子
勇得立爲太子五年而弑父自立改元大業
荒淫暴虐下不堪命在位十三年幸江都爲

宇文化
及所弑

飲馬長城窟示從征羣臣

擬漢相和歌辭瑟
調曲○隋書煬帝

八年帝自
將征遼西

肅肅秋風起悠悠行萬里萬里何所行橫漠築長

城豈台小子智先聖之所營

台音儀尚書非台
小子敢行稱亂樹

茲萬世策安此億兆生詎敢憚焦思高枕於上京

兩河執武節千里卷戎旌

兩河執武節一作北河秉武節山川互

出沒原野窮超忽縱金止行陣鳴鼓興士卒千乘

萬騎動飲馬長城窟秋昏塞外雪霧暗關山月綠

巖驛馬上。乘空烽火發。借問長城候。單于入朝謁。

濁氣靜天山。晨光照高關。後漢明帝紀注高關山名因以名塞在朔方北

釋兵仍振旅。要荒事方舉。飲至告言旋。功歸清廟。

前。詩振旅闐闐。左傳入而振旅。歸而飲至。以數軍實。尚書五百里要服。五百里荒服。

題雖襲古。而此則實賦築城。以靖邊境。與蔡邕陳琳作用意各殊。前四先以秋時遠行築城。提

清眉目。豈合四句。敘所以築城之由。嚴重得體。已伏結意。詎敢四句。敘不敢憚勞。啓行往築之

事。山川六句。敘到處督率築城。卽以揚威邊境。至於飲馬城窟。城功之竣可知。秋昏八句。幻出

訛傳警報。實則單于朝謁來。邊氣永靖。築城效驗也。後四疊轉兩韻。收到振旅言旋。事舉告功

作結。遙應樹策安生。通首氣體濶大。頗有魏武之風。

春江花月夜

二首○擬陳後主清商曲辭吳聲歌曲

暮江平不動。春花滿正開。流波將月去。潮水帶星來。

首句點夜江。次句點春花。三四帶江點月。以星作陪。寫景有姿致。

夜露含花氣。春潭瀝月暉。漢水逢遊女。湘川值雨如。

首句點夜花。次句點春江月。三四就湘漢瀝江。補出景中佳麗之人。詩意始足。

白馬篇

擬魏曹植雜曲歌辭齊瑟行

白馬金貝裘。橫行遼水傍。問是誰家子。宿衛羽林

郎。文犀六屬鎧。寶劍七星光。周禮函人爲甲犀甲七屬兕甲六屬合甲

五屬吳越春秋伍子胥過江解劍與漁父曰此劍有七星北斗文其直百金山虛弓響

徹地迴角聲長宛河推勇氣隴蜀擅威強輪臺受

降虜高闕翦名王漢書西域傳自伐大宛之後西域震懼多遣使來貢獻於是輪

臺渠黎皆有田卒數百人置使者校尉領護以給外國使者高闕見本卷首篇注終軍傳後數月越

地及匈奴名王射熊入飛觀校獵下長楊漢書元帝紀上

有率衆來降者射熊入飛觀校獵下長楊幸長楊射熊館布車騎大獵三輔英名欺衛霍智

黃圖長楊宮有射熊館在盤屋策蒺平良衛青霍去病島夷時失禮卉服犯邊疆

尚書島夷卉服徵兵集薊北輕騎出漁陽後漢吳漢傳漁陽上谷突騎天

古詩賞斤 卷三 隋 三

下所進軍隨日暈。挑戰逐星芒。史記天官書兩軍

制勝近期三十日。陣移龍勢動。營開虎翼張。小學紺珠八陣

天地風雲虎翼。衝冠入死地。攘臂越金湯。史記相

蛇蟠飛龍鳥翔。卻立倚柱。怒髮上衝冠。漢書。塵飛戰鼓急。風交征

刺通傳金城湯池不可攻也。旆揚轉鬬平華地。追奔掃鬼方。易高宗伐鬼方本持身許

國。况復武功彰。會令千載後。流譽滿旂常。禮記有功銘於

太常太常九旗之畫日月者。

此詠羽林壯士立功邊地之詩。前八從馬落人先定篇主。隨接寫戎裝武備之盛。宛河八句。追敘各處從前建功樹績不一而足。爲本事先作陪筆。而以欺衛霍蔑平良束佳。島夷四句。敘現

在胡氛不靖。應徵而出。進軍四句。鋪寫軍威之壯。衝冠六句。接敘浴血苦戰正面。平華地。掃鬼方。收到功成。後四句。以功彰流譽。贊歎作收。氣道詞鍊。庶幾步武陳思。○帝有紀遼東二首。皆一句七言。一句五言。十二字用韻。是其創體。附志於此。

楊素

字處道。弘農華陰人。仕周。以平齊功開府。文帝爲丞相時。素深自結納。及受禪。加上

柱國。拜御史大夫。平陳。封越國公。歷尚書右僕射。掌朝政。煬帝廢奪弒立。皆其謀也。太業

初。拜尚書令。進大師。改封楚。

山齋獨坐贈薛內史

二首。○內史名道衡。見後。

崑山四望阻。風雲竟朝夕。深溪橫古樹。空巖臥幽石。日出遠岫明。鳥散空林寂。蘭庭動幽氣。竹室生

言外集卷三
虛白。落花入戶飛。細草當階積。桂酒徒盈樽。故人不在席。日暮山之幽。臨風望羽客。

此因獨坐有懷。遂爾寄贈。兩截題也。首二直就山居朝夕敘起。領清題首四字。深溪四句。先寫山景。兩語泛說。兩語切朝字說。蘭庭四句。接寫齋景。俱就植物說。後四以有酒無人。遞落懷蔭日暮山幽。收到夕字。仍不脫山。

巖壑澄清景。景清巖壑深。白雲飛暮色。綠水激清音。澗戶散館彩。山窗凝宿陰。花草共榮映。樹石相陵臨。獨坐對陳榻。無客有鳴琴。寂寂幽山裏。誰知無悶心。

此章局勢似複前章。然寫景皆跟日落句來。按切夕字。則連上而非複上矣。前四亦寫山景。插暮色。切夕字。中四點明山齋。亦寫齋景。散彩凝陰。仍帶定夕字。花草頂前首落花兩句。乃近景。樹石頂前首深溪兩句。乃遠景也。後四點清獨坐對榻。無客知心。却換鳴琴作挑筆。亦復抱轉幽山。

贈薛內史

耿耿不能寐。京洛久離羣。橫琴還獨坐。停杯遂待君。待君春草歇。獨坐秋風發。朝朝惟落花。夜夜空明月。明月徒流光。落花空自芳。別離望南浦。相思在漢陽。漢陽隔隴岑。南浦達桂林。山川雖未遠。無

由得寄音

此寄懷之詩。首四直從不寐傷離。點落獨坐待君。總領而起。待君四句。接上獨坐待君來。言自春徂秋。朝夜繫懷之景。明月四句。又接上落花。明月申說。兜轉望遠有思。後四又接上南浦。漢陽。揣度道里。而以路雖未遠。難寄音書作收。四句轉意。卽四句轉韻。蟬聯而下。調法流逸。

贈薛播州

十四首選九。○北史素以詩遺薛道衡。薛曰。人之將死。其言也善。若

是乎。未幾而卒。

在昔天地閉。品物屬屯蒙。和平替王道。哀怨結人

風。

替衰也。

麟傷世已季。龍戰道將窮。

易龍戰于野。其血玄黃。

亂

海飛羣水。貫日引長虹。

亂海句一作亂流。飛海若戰國魏策。聶政之刺韓傀。

也。白虹貫日。干戈興。革命。揖讓。非至公。言用干戈固異於湯武之革命。

即揖讓亦不若堯舜禹之出於至公也。

此首章直從五季政乖民怨羣雄角立敘起爲題前總冒。前四政乖民怨中二求上起下中腰遞筆後四羣雄角立也。議論警拔。

兩河定寶鼎八水域神州。通典西則龍門之河東則洛水大陸之河爲兩

河三輔黃圖關中八水謂灃澇涇渭豐鎬牢澇也。函關絕無路京洛化爲

邱漳滏爾連沼涇渭余別流。魏都賦北臨漳滏則冬夏異沼注漳滏二

水名。經鄴西北滏水熱故曰滏口有寒有溫涇渭二水名。涇清渭濁詩意言爾我如漳滏之寒溫不

同。涇渭之清濁亦異蹤跡不能合也。上句獨言爾下句獨言我者互文見義也。生郊滿戎

馬涉路起風牛。風牛。風馬牛也。班荆疑莫遇。贈繚竟無由。

左傳。伍舉與聲子。班荆相與食。而言復故。又吳季札聘於鄭。見子產。如舊相識。與之繚帶。子產獻紵

焉。

此第二章。接敘隋初天下未一。已與薛阻兵難見之事。雖落兩人。尚屬虛領。前四天下未一。後六阻兵難見也。此下有五緯連珠聚一章。以空述隋初掃除羣雄事。與兩人無涉。去之。

道昏雖已朗。政故猶未新。刻舟洹水際。結網大川

濱。際一作濟。句意以濟水須刻舟。出遊迎釣叟。入

夢訪幽人。出遊用文王遇太公事。植林雖各樹。開

榮。豈異春也。榮花相逢一時泰。共幸百年身。

此第四章。敘隋初新政求賢。已與薛皆遭知遇之事。兩人契合。於此始基。前六。新政求賢。後四。皆遭知遇也。此下有有帛貴邱園一章。述兩人應聘同出相好之意。又有自余歷端揆一章。述兩人居官後多著作交欽仰之意。以與此章及下章意多複沓去之。

荏苒積歲時。契闊同遊處。閭闔既趨朝。承明還宴

語

閭闔天門名。承明廬名。

上林陪羽獵。甘泉侍清曙。

上林苑名。司馬

相如有上林賦。天子遊獵之盛也。楊雄有羽獵賦。甘泉官名。楊雄有甘泉賦。迎風含暑氣。飛雨淒寒序。相顧惜光陰。畱情共延佇。

此語御二韻第

二部
通韻

此第七章。正敘同朝遊處常偕寒暑共勉之事。卽是以下諸章。有傷離索之跌筆。前六。遊處常

借後四寒暑共勉也。

滔滔彼江漢。實爲南國紀。作牧求明德。若人應斯

美。高臥未褰帷。飛聲已千里。漢書汲黯傳。上曰。淮陽吏民不相得。吾徒

得君重。臥而治之。後漢賈琮傳。琮爲冀州。傳車垂

赤帷裳。琮曰。刺史當遠視廣聽。糾察美惡。何垂帷

裳以自掩。還望白雲天。日暮秋風起。峴山君儻遊

乎。命褰之。

淚落應無已。晉書羊祜傳。祜樂山水。每風景必造峴山。置酒言詠。終日不倦。祜卒。襄陽

百姓於峴山建碑。望其碑者。莫不流涕。杜預因名爲墮淚碑。

此第八章敘薛出牧襄州。而揣其懷古情深。與

下章皆不入已之相思。善畱末三章地。前六薛

牧襄州。後四

代揣懷古也。

漢陰政已成。嶺表人猶蠹。漢陰謂襄陽嶺表謂播州。彈冠比方

新還珠總如故。彈冠用史記屈原傳新沐者必彈冠乃自好意非用貢禹彈冠也。後

漢循吏傳孟嘗遷合浦太守郡不產穀食而海出

珠寶與交趾比境先時宰守貪穢詭人采求不知

紀極珠遂漸徙於交趾郡界於是行旅不至人物

無資嘗到官革易前弊珠復還百姓皆反其業稱

爲神。楚人結去思越俗歌來暮陽鳥尚歸飛別鶴

明。還回顧君見南枝巢應思北風路。

此第九章敘薛移守播州而揣其思舊意長與

上章皆只就薛說而已情已於代揣中見前六

移守播州後四代揣思舊也此下有北風吹故

林一章述已秋夜相思自憐疲病之意無甚緊

要去之。

養病願歸閑。居榮在知足。棲遲茂陵下。優游滄海

曲。古人情可見。今人遵路。曠言古人情重。應鑒我

人不知。惟有遵路而曠。荒居接野窮。心物俱非俗。不解其何以歸來也。

桂樹芳叢生。山幽竟何欲。淮南子招隱士桂樹叢生兮山之幽

此第十一章敘已養病歸閑越俗無求之事專就已說而古人仍帶念薛前四養病歸閑中二曲筆開下後四越俗無求也此下有所欲棲一枝一章敘已樂居山園忽悵久別之事亦無甚緊要去之

秋水魚游日。春樹鳥鳴時。濠梁暮共往。幽谷有相

思。莊子莊子與惠子遊於濠梁之上莊子曰儵魚出遊是魚樂也詩出自幽谷遷于喬木干

里悲無駕一見杳難期。山河散瓊縈。庭樹下丹滋。
散瓊縈。物華不相待。遲暮有餘悲。

此第十三章。則統敘別後春秋觸景皆思。而窮
冬尤甚之意。然冬景不說相思。又畱後地。前六
春秋皆思。後四窮冬尤甚也。

銜悲向南浦。寒色黯沉沉。風起洞庭險。煙生雲夢

深。洞庭湖雲夢澤皆在楚地獨飛時慕侶。寡和乍孤音。木落悲

時暮。時暮感離心。離心多苦調。詎假雍門琴。雍門周鼓

琴事見卷十一
張載七哀詩注

此末章。則就目前冬景。透寫銜悲望遠。傷離贈
詩之情。爲諸章總結。前四銜悲望遠。後六傷離

贈詩也。○十四首章法蟬聯。骨格高老。本可盡登。然不如節去五章。尤為緊湊。歸愚師所選。亦復如是。乃真先得我心。

盧思道 字子行。范陽涿人。年十六。讀中山劉松所為碑銘。多不解。遂感激讀書。後為文。以示松。松亦不能甚解也。因就魏收借異書。數年間。才學兼著。齊文宣崩。文士各作輓詩。十首。魏收陽休之等各得一二首。惟思道八首。故世稱八米盧郎。歷官給士黃門侍郎。入周為掌教。上士開皇初。除散騎常侍。卒。

聽鳴蟬篇

雜曲歌辭

聽鳴蟬。此聽悲無極。羣嘶玉樹裏。迴噪金門側。一

隄作長風送晚聲。清露供朝食。晚風朝露實多宜。秋

日高鳴獨見。知輕身蔽數葉。哀鳴抱一枝。流亂罷
還續。酸傷合更離。暫聽別人心。卽斷纔聞客子淚。
先垂故鄉已超忽。空庭正燕沒。一夕復一朝。坐見
涼秋月。河流帶地從來嶮。峭路干天不可越。紅塵
早敝陸生衣。明鏡空悲潘掾髮。陸機詩京洛多風塵素衣化爲緇潘岳秋興賦序余年三十有二始見長安城裏帝王
二毛。以太尉掾兼虎賁中郎將。
州鳴鐘列鼎自相求。西望漸臺臨太液。東瞻甲第
距龍樓。說客恒持小冠出。越使常懷寶劍遊。漢書杜欽
傳欽字子夏。目盲。茂陵杜鄴與欽同姓。字俱以才能稱京師。故衣冠謂欽爲盲杜子夏。欽惡之。乃爲

小冠由是京師更以欽爲小學仙未成便尚主尋

冠杜子夏鄴爲大冠杜子夏源不見已封侯漢武信任樂大封爲五利將軍又

樂通侯以衛長公主妻之使入東海求仙無驗誅

之事見史記封禪書漢武遣張騫通大夏大宛大

月氏諸國初不得通從大將軍擊匈奴封博望侯

後復拜爲中郎將使諸國然騫所言鹽澤南爲河

源終未之見事見史記大宛列傳富貴功名本多豫繁華輕薄盡

無憂詎念嫖姚嗟木梗誰憶田單倦火牛嫖姚一

田單一作蘭臯火牛本作土牛穀按木梗係用土

偶譏桃梗事似與漂搖連屬與霍嫖姚無涉然作

重望如嫖姚者有時失勢亦可蘭臯田單皆與土

牛無涉然與嫖姚作對當是田單田單爲齊將有

用火牛敗燕事土牛當是火牛之歸去來青山下

誤句意謂勞於建功者莫之念也

秋菊離離日堪把。獨焚枯魚宴林野。終成獨校子雲書。何如還驅少游馬。後漢書楊雄傳雄字子雲嘗校書天祿閣馬援傳吾從弟少游嘗哀我慷慨多大志曰士生一世但取衣食裁足乘下澤車御款段馬爲郡掾吏守墳墓鄉里稱善人斯足矣

此久官長安。不蒙隆遇。有感而思歸隱之詩。因以聽鳴蟬引起。故以名篇。非呆詠聽蟬也。首二句。就已邊點清聽蟬而悲。通章總領。羣嘶十二句。就蟬論蟬。玉樹金門。點地。清露秋日。點時。哀鳴酸傷等字。卽將蟬聲坐實本悲。然後落到別人客子。聽之生悲。爲已作引。下皆不與鳴蟬干涉矣。故鄉六句。接入已身。正敘離鄉已久。歸路崎嶇。留滯長安。衣經髮白之事。長安十二句。放筆就長安寫出勢利之場。紛紛干祿。得時者氣揚。淹滯者誰念。引到宜歸。局勢展拓。後六醒出歸

山之樂。而以縱膺榮遇。何若遨遊。較量收住。調亦流美。此種七言。駢麗中尚饒逸氣。的是王楊盧駱之源。

薛道衡

字立卿。河東汾陰人。仕齊爲中書侍郎。入周爲司祿上士。開皇初爲內史舍人。

以伐陳功。遷吏部侍郎。出檢校襄州總管。煬帝立。轉播州刺史。拜司隸大夫。上文皇帝頌。帝不悅。坐論時政。縊死。朝野冤之。

敬酬楊僕射山齋獨坐

相望山河近。相思朝夕勞。龍門竹箭急。華岳蓮花

高。

慎子河下龍門。流駛如竹箭。駟馬追之不及。華山記。山頂有池。生千葉蓮。服之羽化。故曰華山。

岳高障重疊。鳥道風煙接。遙原樹若薺。遠水舟如

葉葉舟旦旦浮。驚波夜夜流。露寒洲渚白。月冷函
關秋。秋夜清風發。彈琴卽鑑月。言就如鑑之。雖非
莊舄歌吟詠常思越。史記越人莊舄仕楚執珪有
鄙人也。今仕楚執珪富貴矣。亦思越否。對曰。凡人之
思故在其病。彼思越則越聲。不思越則且楚聲。
人往聽之。猶尚越聲也。楊
素爲越國公。故借用之。

詩只酬其想念之意。山齋獨坐四字。不得粘看。
前四相望相思。虛虛領入龍門華岳。先將首句
申明岳高四句。接山近作轉。遠水句。已暗遞河
葉舟四句。頂河近作轉。順插旦夜暗應朝夕。兩
關秋。仍轉到陸路。兩層皆在望中寫景。景中有
情。後四遙接次句。收醒相思酬詩之意。却偏蒙
秋字。獨就夜說。錯綜思越。亦用得巧切。此詩與
楊贈薛耿耿不能寐篇調法相同。蓋有意倣之。

而工力亦
悉敵也。

人日思歸

小說傳聞曰薛道衡聘陳作人日詩曰入春纔七日離家已二年南

人嗤之曰是底言語誰謂此虜解作詩及云人歸落雁後思發在花前乃喜曰名下

固無
虛士

入春纔七日離家已二年人歸落雁後思發在花
前。

首句人日次句乃所以思歸之故三句點醒遲
歸恰又補點人字與雁對剔四句正點思字在
花前恰又抱轉人
日流對極爲巧切

昔昔鹽

雜曲歌辭郭樂府收入近代曲辭○
昔昔猶夜夜也鹽引之轉而譌也

垂柳覆金堤。薜蘿葉復齊。水溢芙蓉沼。花飛桃李

蹊。采桑秦氏女。織錦竇家妻。秦羅敷采桑見卷五
陌上桑篇晉書列女

傳竇滔妻蘇氏名蕙字若蘭滔被徙流沙關山別
蘇氏思之織錦爲迴文旋圖詩以贈滔

蕩子風月守空閨。恒斂千金笑。長垂雙玉啼。淚爲
玉筋

雙玉雙盤龍隨鏡隱彩鳳逐帷低飛魂同夜鵲倦
淚也

寢憶晨雞暗。牖懸蛛網空。梁落燕泥前。年過代北。

今歲往遼西。一去無消息。那能惜馬蹄。用蘇伯玉
妻盤中詩

何惜馬蹄
歸不促意

此閨怨詩前四先就暮春時物敘起蓋思婦懷
人春時尤甚也采桑六句約舉其人點清別人

獨守。不笑長啼。盤龍六句。頂風月句。鋪敘獨居。憂傷寂寞之景。後四。頂關山句。閤其勢役。而訝其久滯。結得怨而不怒。爾時詩多貪排偶。競雕琢。然未有長篇句句裁對工整。如此章者。雖平仄承頂。尚有兩處失粘。要是絕佳排律也。

虞世基

字茂世。會稽餘姚人。仕陳爲尚書左丞。入隋。拜內史舍人。煬帝立。轉內史侍郎。

甚見親禮。帝幸江都。時天下大亂。世基雖居近侍。唯諾取容。郡縣兵敗。不敢以聞。及宇文化及弒帝。亦遇害。

入關

隴雲低不散。黃河咽復流。關山多道里。相接幾重愁。

上二。寫入關一路所見之景。下二。就路遙點出羈愁。簡括有力。

孫萬壽

字仙期。一字遐年。武邑武遂人。在齊爲

引爲文學。坐事配防江南。仁壽初。爲齊王文學。卒於大理司直。

和周記室遊舊京

大夫憫周廟。王子泣殷墟。

指詩黍離章及自然心微子麥漸歌也。

斷絕何關繫。慘舒僕本漳濱士。舊國亦淪胥。紫陌

風塵起。青壇冠蓋疎。臺畱子建賦。宮落仲將書。

魏書

曹植傳。時銅雀臺新成。太祖悉將諸子登臺。使各爲賦。植援筆立成。可觀。三輔決錄。韋誕字仲將。諸書並善。洛陽鄴許三都宮觀始成。詔仲將題署。御筆墨皆不任用。因奏若用張芝筆。左伯紙。及臣墨。

兼此三具。又得臣手。然。譙周自題柱。商容誰表閭。

後可以逞徑丈之勢。

柱。應作板。蜀書譙周字允南。咸熙二年夏巴郡文

立。從洛陽還蜀。過見周。周語次。因書板示立。曰。典

午忽。今月酉沒。今典午者。謂司馬也。月。聞君懷古。

酉者。謂八月也。至八月而文帝果崩。

曲同病亦漣。如方知周處歎前後信非虛。晉書周

字子隱。陽羨人。仕吳爲東觀左丞。及吳平。王渾登

建業。醢酒既酣。謂吳人曰。諸君亡國之餘。得無感

乎。處對曰。漢末分崩。三國鼎立。魏滅

於前。吳亡於後。亡國之感。豈惟一人。

此過齊之舊。京生感。因周有作。遂和之也。前四

援古比起。已與周皆在其中。中八。先述已遭逢

國難。淪落無聞之感。後四方落周之賦詩。與已

同病。援古作收。切其姓也。且應起作章法。不專

琢對古。意尚存。

尹式

河間人仁壽中爲漢王記室王阻兵因自殺

別宋常侍

遊人杜陵北。送客漢川東。無論去與住。俱是一飄蓬。秋鬢含霜白。衰顏倚酒紅。別有相思處。啼鳥雜夜風。

此在客中送別詩。前四先點已宋同遊之處。送宋所往之鄉。隨以去住同一飄蓬致慨。筆意沉痛。後四單就已年衰老。收到相思作結。琢句亦工。

孔德紹

會稽人有清才。官至京城縣丞。寶建德署爲中書令。專典書檄。建德敗。伏誅。

夜宿荒村

綿綿夕漏深。客恨轉傷心。撫絃無人聽。對酒時獨斟。故鄉萬里絕。窮愁百慮侵。秋草思邊馬。繞枝驚夜禽。風度谷餘響。月斜山半陰。勞歌欲敘意。終是白頭吟。

卓文君白頭吟

白頭吟本傷夫婦有乖不能白頭諧老此則借用言白頭長吟也

詩旨在思鄉前四點清夜宿先敘客愁無寐之事。中四醒出思鄉正客愁之故也。妙用邊馬夜禽喻意一拓便靈便活。後四再補寫荒村夜景以作詩轉觸老懷作收。未嘗不排偶而無排偶之迹。以氣息入古也。

孔紹安

會稽人大業末爲監察御史入唐拜內史舍人秘書監

落葉

早秋驚落葉飄零似客心。翻飛未肯下猶言惜故林。

賦落葉卽賦客心。摹形寫意真達得眷眷故鄉一步九迴情景出。

別徐永元秀才

金湯旣失險。玉石乃同焚。

金湯注見楊帝白馬篇書火炎崑岡玉石俱焚

墜葉還相覆。落羽更爲羣。豈謂三秋節。重傷千里分。促離絃易轉。幽咽水難聞。欲識相思處。山川間

白雲。

此詩玩末二語當作畱別解。前四言同遭喪亂結契方深爲別字題前集勢墜葉落羽比得奇

幻。豈謂二句。轉落當秋遠別。促離二句。寫別時景。後二句。以日後相思難見收住。欲識是指點之辭。故作已行別徐爲是。

陳子良

吳人入唐爲太子學士

送別

落葉聚還散。征禽去不歸。以我窮途淚。沾君出塞衣。

上二賦中有比。首句比兩人一留一行。次句則比行者下二。正賦送別。泣曰窮途。衣曰出塞。加倍續染。最足動人。

七夕看新婦隔巷停車

隔巷遙停幘。非復爲來遲。只言更尚淺。未是渡河時。

首句先點隔巷停車。下乃擬其所以停車之故。爲七夕新婦寫出痴情趣甚。

明餘慶

平原高人官至司門郎越王侗稱制除國子祭酒

從軍行

擬魏左延年相和歌辭平調曲

三邊烽亂驚。十萬且橫行。風卷常山陣。笳喧細柳

營。

漢書文帝時匈奴大入邊周亞夫爲將軍軍細柳以備胡劍花寒不落。弓月

曉逾明。會取河南地。持作朔方城。

漢書食貨志衛青歲以數萬騎

出擊匈奴遂取河南地築朔方

首二點題總挈中四皆頂次句申說兩賦軍容之盛兩賦武備之嚴鍊句入妙後二頂首句以闢地建功作收

呂讓

和入京

俘囚經萬里。憔悴度三春。髮改河陽鬢。衣餘京洛

塵。

潘岳爲河陽令。餘注見前。盧思道聽鳴蟬篇。

鍾儀悲去楚。隨會泣留

秦。

左傳。楚子重伐鄭。諸侯救鄭。鄭共仲侯羽軍楚師。獲郕公鍾儀。獻諸晉。晉人以鍾儀歸。囚諸軍。

府。

又先菽奔秦。士會從之。既謝平吳利。終成失路人。晉羊祜有

吳之利。句意借用。言已籌敵之策。不能用也。

呂讓行事無考。玩詩意。應是曾爲北臣。羈囚南地。有友贈以入京詩。因和之以自傷也。前二點題總挈三四。頂次句來。暗以潘陸比。五六。頂首句來。明以鍾隨比。後二。有惜不用吾策。以至於此之意。

侯夫人

楊帝宮女。楊帝建迷樓。選後宮女數千居之。由是後宮多不得進御。夫人有才貌。一日縊於棟下。臂繫囊囊中有文。左右以進帝。帝覽其詩。反覆傷感。厚禮葬之。

自傷

初入承明日。深深報未央。長門七八載。無復見君王。春寒入骨清。獨臥愁空房。颯履步庭下。幽懷空感傷。平日親愛惜。自待却非常。色美反成棄。命薄

何可量君恩實疎遠妾意徒徬徨家豈無骨肉偏
親老北堂偏親雙親不全也北堂應指母說此身無羽翼何計出
高牆性命誠所重棄割良可傷懸帛朱棟上肝腸
如沸湯引頸又自惜有若絲牽腸毅然就死地從
此歸冥鄉

此臨絕命之詩前八敘清入宮見棄隨將冷宮
獨處之景鋪敘幽懷感傷拖起下意平日四句
追憶平日親既愛已已亦自愛跌出色美成棄
之命薄來勢便動盪君恩六句方正醒君意難
回彷徨於此有親難見有家難歸之痛引動死
機後八乃敘見在絕命事逐句頓挫曲盡情景
收到就死歸冥而止筆力又極斬然通首直抒
胸臆氣疎質厚一洗爾時排比纖巧之習巾幘

中未易才也。而亦有才無命。惜哉。

大義公主

後周宇文氏女。嫁爲突厥沙鉢略妻。初名千金公主。隋滅周。自傷宗祀滅

絕。每懷復隋之志。日夜言於沙鉢略。悉衆爲寇。後沙鉢略內附於隋。賜姓楊氏。改封大義

公主

書屏風詩

隋書。隋平陳後。以陳叔寶屏風賜主。主心恒不平。因書屏風爲詩。

盛衰等朝暮。世道若浮萍。榮華實難守。池臺終自平。富貴今何在。空事寫丹青。杯酒恒無樂。弦歌詎有聲。余本皇家子。飄流入虜庭。一朝睹成敗。懷抱忽縱橫。古來共如此。非我獨申名。唯有明如曲。偏

傷遠嫁情。

此自傷不能復讎之詩。特就畫屏爲引端耳。前四句先泛說榮華本難長守。隱爲周亡回護。富貴四句則借叔寶亡國之後。尚畫屏風。歎其靦顏事讎。有何可樂。爲已反觀。余本四句。方述自己國亡流落。觀物感懷。難忘報復之概。後四推開取証。獨借明妃曲傷遠嫁。爲已作陪。然用一偏字。則見得自已心事。比明妃更有多端。不能復讎之憾。言外顯然。却仍不曾實實道出。用意用筆。吞吐入妙。

無名氏

送別詩

楊柳青青著地垂。楊花漫漫攪天飛。柳條折盡花

飛盡借問行人歸不歸。

此詩崔瓊東虛記以爲大業末年刺煬帝巡遊無度而作。余謂只作尋常送別詩解亦可。上一是送別時景。下二。是計日而望其歸。只就楊柳上着筆。聲諧韻協。是唐人七絕之發源也。

無名氏

歎疆場

雜曲歌辭。郭樂府作近代曲辭。○樂苑云。歎疆場。宮調曲也。

聞道行人至。粧梳對鏡臺。淚痕猶尚在。笑靨自然開。

題是歎疆場。則行人未至以前。實有死生未卜。日夜愁苦意在。今絕不費筆。只就淚痕翻出笑靨。寫一情不自禁樣子。而前此思念之切。意已曲包。何其活脫。

雞鳴歌

雜曲歌辭郭樂府作雞歌謠辭○樂府廣題曰漢有雞鳴衛士主雞唱宮

外舊儀宮中與臺並不得畜雞晝漏盡夜漏起中黃門持五夜甲夜畢傳乙乙夜畢傳丙丙夜畢傳丁丁夜畢傳戊戊夜畢是爲五夜未明三刻雞鳴衛士起唱漢書曰高帝困項羽垓下羽是夜聞漢軍四面皆楚歌應劭曰楚歌者雞鳴唱也晉太康地記曰後漢固始銅陽公安細陽四縣衛士習此曲於闕下歌之今雞鳴歌也然則此歌蓋漢歌也按周禮雞人掌大祭禮夜啼以起百官則所起亦遠矣

東方欲明星爛爛汝南晨雞登壇喚曲終漏盡嚴
具陳月沒星稀天下旦千門萬戶遞魚鑰宮中城

上飛鳥鵲

雞人唱歌卽以自己當晨雞奇由欲明遞入雞
唱由雞唱遞入天曉由天曉說到人起鵲飛而
止無甚曲折
而古趣自饒

女門人王瑗佩霞複校

古詩賞析卷二十二